



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

Articulus VIII. De clausulis matrimonialium dispensationum?

[urn:nbn:de:hbz:466:1-73058](#)

nimirum notorio, & Pontificiā decisione, ac declaratione firmato, objectionem procedere; non autem, si loquatur solum de illo, qui frequenter variatur, & mutatur, aut saepe inducitur ab officialibus Curiæ, ut dictum est in præmissis. Nam lex, qua tantam communitatem obstringit, ut est totus populus Christianus, ex aliquo defectu, vel omissione irritans actus, quibus pro gratia fideles recurrent ad gremium S. Matris Ecclesiæ, & ipsius etiam maternum consensum (ubi ejus existentia nec moraliter certa, nec notoria est subditis) vix justa esse potest, aut proximè obligans sub nullitate actus: stylus autem ille, in quo se fundat contraria sententia, est valde mutabilis, & paucis in variatio- ne sua notus, quoad ejusmodi dispensationes matrimoniales, imò ab ipsis Curiæ libus non æquè admittitur, quibusdam affirmantibus, alijs negantibus, ut pater ex casu, de quo in suprà dicit. & alibi n. 1169. & 2099. ergo illi non censetur in mandato consensum suum Pontifex conformare pro tali casu.

Dices 2. Delegatus non potest exequi mandatum quoad gratiam *sub causa*, sib-
qua Pontifex non consensit in gratiam; sed in dato casu exequendo mandatum quoad gratiam in mandato contentam, il-
lud exequetur quoad gratiam *sub causa*, sib-
qua quia in eam Pontifex *nullo modo* con-
sensit. r. quia non consensit in gratiam
sub causa non expressa, utpote non cognita;
sed nec consensit in gratiam *sub causa ex-
pressa*; nam illa non est; ergo re. concedi,
quod delegatus *quoad gratiam in manda-
to concessam* nihil agere possit, quando in
eundam *sub causa* in mandato barba-
tum modo consensit Pontifex; quare,
licet non possit dici, quod consenserit in
gratiam *sub causa nullo modo expressa*, &
ipsi *propria*; fatis tamen est, quod ei *causa
expressa specificè*, proposita sit *sub ratio-
ne generica causa omnino sufficientis*; &
sub hac ratione causa consenserit in
gratiam; at sic fieri in dato casu, probabilius
est, ut diximus à n. 2243. ergo.

Dices. 3. ergo delegatus etiam poterit
exequi mandatum dispensationis datum
pro certo impedimento, licet reperiatur, non
esse illud, quod expressum est, sed aliud;
quia præsumi poterit Pontificem consen-
sus in relaxandum impedimentum pro-

positum, secundum quod explicat *ratio-
nem communem impedimenti dirimenti*; non specificam, & differentialē. q. il-
latum admetti, quando impedimentum
expressum, sed non existens, est ejusdem
rationis cum non expressio, sed revera exi-
stente in oratoribus, & hoc sub illo conti-
netur, ut constat ex dicit. suprà; non au-
tem secus, si scilicet sint diversæ rationis;
ratio est, nam aliud est *objectum*, in quod
fertur consensus; aliud *proper quod*. Hu-
jus enim mensura pendet à *notitia illius*;
cum causa finalis, & motiva (nimirum
ratio, propter quam, ut sufficientem, pro
hac specie impedimenti Pontifex conser-
nit in relaxandum impedimentum in eâ
specie) non recipiatur ut sufficiens ad re-
laxandum impedimentum in alia specie;
ergo impedimentum debet esse cognitum
vel in se, vel in eo, in quo continetur, tan-
quam minus in majori ejusdem linea: at
objectum proper quod, seu causa dispen-
sandi, sufficiens pro impedimento tali, re-
peritur semper in causa urgentiori pro co-
dem impedimento, nec aliter ab ea pen-
det consensus in *objectum quod*. ergo.

ARTICULUS VIII.

De clausulis matrimonialium dispensa- tionum.

Cum multa jam passim in hac ma-
teria dicta sint, ut constabit ex seq. paucis
solum agam circa clausulas apponi solitas
mandatis, & rescriptis dispensationum ma-
trimonialium, quando earum commissio
fit à Summo Pontifice, non à Pœnitentia-
ria, de qua specialiter dicam infra. Not.
autem generaliter, esse differentiam inter
clausulas conueltas, & apponi solitas in re-
scriptis ex stylo Curiæ, *consulto & volente
Pontifice*; & illas, quæ apponuntur *ex stylo
Notariorum*. Nam hæ non attendun-
tur, ut nota Barbosa de claus. usu freq. in
princip. n. 3. & 13. his præmissis.

§. I.

De clausulis in genere.

Circa præsentem materiam not. 1. clau-
sulas, quæ in rescriptis Pontificijs apponi
consuoverunt ex stylo Curiæ, decisione, ac
authori-

Zzz 3

authoritate Pontificis firmato, etiamsi omissæ forent per incuriam officialium, semper subintelligi; sic Felinus in c. *Cum M. 9. de Constitut. n. 6.* & patet ex ipso textu, ibi: *cum in constitutione predicta, & confirmatione Sedis Apostolicae, vel fuerit, vel debuerit, sicut confuevit, esse expressum.* Talis est; *Si preces veritate nitantur;* unde illius opinione in rescripto, hoc non vitiatur; sic Fagnanus. c. *Accepimus, de statu & qualitat. n. 9.*

2253. Not. 2. clausulam dispositioni adjectam, esse interpretandam juxta usum loquendi, quo disponens utitur; sic Marta de *clausul. p. 4. claus. 29. n. 4.* & sepe unam declarari per aliam; cum in legis interpretatione principaliter attendi debeat intentione disponentis sub terminis illi adiectis, quibus declarat vel per extensionem, vel restrictionem, mentem suam; & quia in rescripto Princeps censetur se conformare juri communii nisi aliud exprimat; etiam clausula illi adiecta reduci debet ad statum juris communis, ubicunque sita reperitur; sic Fagnanus in c. *Causam, qua, de Rescript. n. 2.* ubi rubrica habet, quodordo rescripti interpretationem recipiat à iudei communi.

2254. Not. 3. quando clausula adiecta restringitur ad certum finem, vel casum, ejus interpretationem, ac determinationem esse recipiendam ab eodem fine, & casu; quia censetur apposita secundum naturam rei, de qua disponitur. Et ideo lex interpretans fieri debet secundum clausulam Legis interpretatione; & omisla, nihilominus in illa censetur repetita. Nam exppositum, & exponens debent esse æquipollentia. Et ratio ulterior est, quia una clausula secundum diversos respectus diversimodè accipitur, ut notat Fagnanus in c. *omnis. de pœnit. & remiss. n. 31.*

2255. Not. 4. alias esse clausulas, quæ apponuntur *in puris narrativis* (ut, cum narratur factum aliquod sub certis clausulis) alias, quæ *in dispositivis*; illas non attendi, sed tantum istas, docet Rebusflis *conf. 34. n. 17. & conf. 47. n. 7.* apud Barbos. cit. n. 9.

Not. 5. clausulas, quæ ab Oratoribus appositæ sunt in supplicatione, suum effectum operari, licet non legantur in literis mandati expeditis. Nam eti non sit judicandum secundum clausulas supplica-

tions ante literas super ea expeditas propter regulam; *de non judicando iusta formam supplicationis;* focus tamen est, si literæ jam expeditæ sint. Nam ex eis cognoscitur mens disponentis; ut notat Barbosa *cit. n. 10.* cum alijs ibid. relatis.

Not. 6. clausulam, *in medio* positam, referri ad proxima, non autem ad omnia præcedentia, ut fusè probat Fagnanus in c. *Nulli de Reb. Eccl. non alien. n. 14.* possum autem *in fine*, referri ad omnia præcedentia. Utrumque ostenditur in causa regulæ de rebus Ecclesiæ non alienandi, ubi prior clausula in medio afficit solum casum de non emphyteuticando, non autem omnem speciem alienationis; posterior autem in fine non tantum unam, sed omnes præcedentes. Sed hoc in multis mutatur.

Not. 7. Cum ex clausulis quedam sint, quæ tacite insunt mandato dispensationes seu subintelliguntur in mandato, eti non exprimantur, ut dictum est, eas non esse suspensivas juxta communem regulam traditam de conditionibus appositis ita; focus tamen dicendum, si alter exprimantur, quam insint, juxta ibid. dicta n. 775.

§. II.

De particularibus quibusdam clausulas dispensationum matrimonialium.

Inter præcipuas est hæc: *si preces veritate nisi repereris.* Circa hanc clausulam. Not. 1. per eam rescripum, seu mandatum dispensandi reddit conditionatum, sic, ut conditione non sufficiente, nullum habeat effectum; sic Conradus l. 7. *dispens. Apostol. c. 6. n. 27.* Nam eti hæc, *si preces veritate nisi repereris,* citè insit mandato, ut diximus n. 345. si tamen sic apponatur: *si preces veritate nisi repereris,* aliter exprimitur quam insit, consequenter juxta dicta à n. 771 mandatum reddit suspensum donec delagatus per diligenter informationem caperiat, *preces veritate nisi.* Et ideo, antequam verificata sit, nullum tribuitur in re, vel ad rem; sic Gonzalez in annotat. ad 8. Reg. Cancell. Glos. 19. L. n. 232. quia nimis conditio adhuc pendit.

pendet, sine qua delegato nullum ius
committitur. Not. 2, prædictam clausu-
lam referri quidem ad omnia narrata ve-
Justis l. 1. c. 8. n. 161. secus, si nondum
contraxisserint, tunc impediti possent ju-
xta dicta.

Secunda clausula est: *Tuam conscientiam* 2261.

iam oneramus. Per hanc denotari dicatur, quod electa sit industria persone, sic, ut jurisdictionem sibi commissam delegatus subdelegare non possit; sic Menoch, de arbitrar. Jud. I. 1. q. 68. n. 2, sed hoc intellige quoad solum ministerium, seu actum dispensandi, ut jam notavimus. Hæc clausula tacite inest omnibus commissionibus, & mandatis. Nam Judices, ac mandatorum Executores, omnia facere teherent secundum bonam conscientiam, ut dicitur c. 1, de Re judic. consequenter non suspendit commissionem, nisi aliter exprimatur, quam insit, ut diximus paulo ante. Ejus effectus est. 1. quod censeatur in tali commissione remissus juris rigor, & dispensatio arbitrio boni viri remissa, ut possit sequi æquitatem, ut notat Barbosa de clausulis, *clans.* 24. à n. 2. Alter effectus est, quod, cum totum Commissarij conscientia graviter obligatae terminandum deferatur, delegatus non teneatur deferre appellationi, si ab ejus sententia appelletur. Tertius est, quod delegatus non teneatur procedere cum cognitione judiciali, ut jam notavimus in precedentibus.

Tertia clausula est; *dummodo copula* 226.
non intercesserit. Sed hodie, ut diximus
iterato, non amplius apponitur commissio-
nibus dispensationum. Ejus tamen intel-
ligentiam, & effectum, etiam in casu,
quo apponetur, jam exposuimus in que-
stionibus ante resolutis.

Quarta, *dummodo mulier*, propter hoc
raptæ non fuerit, solum intelligitur de
raptu ad effectum matrimonij. Nam id
denotatur per verba: *propter hoc*, nimi-
rum matrimonium incundum; ista clau-
sula per 49. Reg. Cancell. ut notat de Just.
cit. l. 1. c. 6. n. 345. in quibusunque di-
spensationibus matrimonialibus apponi
debet, & consequenter omisssâ semper
subintelligitur, atque adeo omnibus inest
tacitè, non natura, sed juris dispositione.
Eius effectus est, quod suspendat manda-
ti executionem, si delegatus compe-
riat, præter impedimentum, cuius di-
spensationem faciendam continet manda-
tum, intervenire raptum, qui præstat im-
pedimen-

552
pedimentum ditimens matrimonium, &
quidem, dum etiam super hoc impedi-
mento mandatum aliud obtineatur.

2263. Dices: Conditiones, & clausulae, qua-
tacitè insunt, statim validant, si subsistunt;
&, si non subsistunt, statim invalidant
dispositionem, cui insunt: ergo cum haec
clausula tacitè insit mandato, si revera mul-
lier rapta sit, mandatum non suspenditur,
sed invalidatur. &c. ant. verum esse, quan-
do non aliter, ac inest, in dispositione ex-
primitur, ut dictum est: in his autem
mandatis, cum delegato incumbat di-
spensare, si per informationem repererit,
raptum non intervenisse, aliter exprimitur,
ac inest, ut in simili diximus *ad num.*
2258.

2264. Unde not. quod clausula, qua tacite
inest mandato, si subsistat, non impe-
diat jurisdictionis commissionem, sed tan-
tum ejus exercitium, ut notat Barbosa *cit.*
clausula 166. n. 9. qualiter in simili dixi-
mus aliquid *ad n. 227.* Et ideo doctrina
Barbosæ ibid. n. 8. dicentes, quod clau-
sula (*Si preces veritate nitantur*) nec fa-
ciat conditionem, nec jurisdictionem funderet,
sed instructionem tribuat ad pro-
cedendum, sic indefinite prolata, ad-
mitti non potest. Nam eti verum sit,
quod ea clausula, in quantum inest man-
dato, non faciat conditionem propriæ dictam,
seu suspensivam, ut diximus *num.*
2258. fallit tamen in casu, quo exprimitur
cum addito: *Si repereris preces verita-*
te nitii, ut notatum ibidem. Deinde fal-
lit in eo, quod dicatur non fundare juris-
dictionem; si enim, in quantum tacitè in-
est, subsistat, mandatum, quo jurisdi-
ctio committitur, ceteris subsistentibus
evadit purum, licet usus maneat suspen-
sus, ut dictum est.

2265. Si mandatum dispensationis habeat
hanc clausulam: *demum, si tibi expediens*
videbitur, duo significantur. 1. quod
in eo casu Pontifex non absolute manderet
dispensari cum dictis Oratoribus, sed foli-
um *si delegato videbitur expediens esse*,
ut dispensentur. 2. quod, si ei vixum fuerit
ex aliqua causa expedire, ne dispensen-
tur, illum posse negare dispensationem,
etiam ceteris omnibus verificatis. Nam
hoc importat verbum *demum*, appositum
illis verbis: *si tibi expediens videbitur*;
scenim importat commissionem folium, *si*,

& quantum delegato videbitur. Unde de-
notat arbitrium boni viri, non autem
liberam voluntatem. sic Menoch. de arbit-
riar. *Jud. l. i. q. 8. à n. 1.*

Quando autem Barbosa *cit. clausula* 166.
n. 2. dicit: quod arbitrium boni viri intel-
ligatur: *quod faciat ita cum altero, si*
vellet fieri in rebus suis; accipienda
est de voluntate in rebus suis *jusfa, secun-*
dum Deum, & conscientiam; si enim filii
aliquid fieri vellet, vel ipse facere in re-
bus suis, quod illicitum, & iniquum est;
non posset id facere alteri, quod filii, mihi
pariter illicite, ac inique.

Verba: *discretionis tue*, important ar-
bitrium regulatum ex legibus prudentia,
in capienda informatione super communi
negotio, & matura deliberatione, non
exequi mandatum expediatur, etiam pol-
 quam omnia, qua verificari oportet
intellecta, ut notat Menoch. *cit. l. 8. q. 4.*
n. 26. & dictum est aliquid in superioribus.
Ea vero, *de qua, in his speciale in De-*
mino fiduciam obtemperamus, denotant idem
ac si diceretur, *confidimus de tua filia*
quidea, que tibi committimus, fideli-
exequiris, secundum quod oportet, ut
diximus *n. 2261.* ac exigit Trid. relatum
suprà.

Pvrrhus Corradus *l. 7. in praxi dispens.*
Apostol. l. 7. c. 6. n. 4. docet, ijs verbis: *pr-*
Apostolica scripta mandamus, secundum
regulas Cancelleriaræ caveri, *quod dispe-*
satio non suffragetur, nisi litteris confi-
ctis; quod verum esse vult, etiam ipsa
dispensatio fuerit per Papam vivæ vocis
oraculo concessa; atque adeo etiam in
hoc casu requiri literas, saltem ad evita-
da inconvenientia, qua ex sola verbali
dispensatione sequerentur, ut, si non bene
intellecta fuerint verba.

Diana p. 8. tr. 3. resol. 74. apud Gobat
Theol experim. tr. 9. n. 669. cenfet, in suo
conscientia valere dispensationem, quam
primum Pontifex, vel potestatem ab ipso
habens, dicit: *dispensamus*, aut, *Faci-*
licit in foro externo solum, postquam ex-
peditæ sunt litteræ dispensationis; secun-
dum, probans ex Regulis Cancelleriaræ;
primum autem inde, quod valor, & effi-
cacia voluntatis Pontificia nullo modo
pendeat à scripturis; ergo quam primum
ex expressâ est verbis, obtinet vim suam.
Et ideo Præpositus in 3. p. q. 8. de matrim.

dīspens. dub. 7. apud Dianam infert hanc conclusionem: *uti potest dispensatione, & matrimonium contrahere ēt, cui à fide digno est significatum, Pontificem dispensare, etiam si literæ nondum missæ sint.*

In horum confirmationem affert cit. Gobat n. 670. casum cum quodam (qui intellexit ex uno Solicitorum apud Romanam Curiam, esse quidem dispensatum cum ipso, literasque desuper confessas, Officiali directas ex inscriptione, sed obstat pester, quod minus tuto mitti possint) nihilominus dispensatum ab Officiali, sic faciendum rescribente Nuntio Apostolico apud Helvetos, de quo in suprà dicit, & addente: *quod fides merito haberetur literis illius Solicitororis.*

2268. Cum autem hæc opponi videantur doctrinæ, de qua Corradus n. priori, & plura inde, fortasse non concedenda inferri possint, & exigi ab Oratoribus, hanc doctrinam, de qua à n. cit. legentibus, cum molestia delegatorum, not. 1. rectè concedi valere in foro conscientiae dispensationem, qua continet *gratiā factā* à Pontifice, ut primum hic dicit: *dispensamus, vel fiat, quod petitur, si suppliatio continebat petitionem gratiæ per ipsum, sine commissione, facienda.* Nam in hoc saltem casu obtinet, quod Diana suprà n. priori dicit: *valorem, & efficaciam voluntatis Pontificie non pendere a scripturis.* Nam, quod *nullo modo* penderat a scripturis, prout Diana loquitur, nimis indefinite dicitur, nec procedit. Etsi enim verum sit, quod possit efficaciter facere gratiam sine omni scriptura, sola voce, si velit; si tamen sua voluntatis efficaciam restringat (uti potest, & pluribus facit, prout constat ex Regulis Cancell.) ad eventum scripturae confessæ, expedite, presentata, &c. certum est, quod à scriptura penderat, nec ante illam quidquam operetur etiam pro foro conscientiae, si ita velit.

2269. Not. 2. si Pontifex ipse dispensans cum Oratoribus, gratiam restringat ad tempus, quo literæ, vel confessæ, vel expeditæ sint, eos nec in foro interno esse dispensatos ante dictum eventum; an autem, cùm ipse Oratoribus facit gratiam, eam sic restringat, cùm nihil exprimit, judicandum venit juxta regulas Cancellarie, non quidem pro foro interno (nam

hæ respiciunt officium Curialium in ordine ad rerum expeditiones in foro externo) sed pro isto. Hinc in dato casu gratia ab ipsomet Papa factæ, dispensati cendi sunt in foro interno, ex sola illius voce; pro externo autem, non nisi literis, saltem confessis, ut ex Corr. notavimus n. 2267.

Not. 3. eam doctrinam in n. 2267. quod 2270.

Oratores dispensati sint pro foro conscientiae hoc ipso, quod Pontifex, vel ab ipso potestatem habens dicat: *dispensamus, vel Fiat,* acceptam universaliter, non posse admitti, si agat *de gratia facienda.* Ex hoc enim, quod Pontifex aëtu mandet, ut alicui scribatur, quod ipsi committat potestatem cum N. & N. dispensandi, nec in foro conscientiae, minus in foro fori dispensati sunt; nam impedimentum non mandato, sed dispensatione tollitur; mandatum enim non est dispensatio. Nec ea doctrina procedit in delegato, esto dicat: *dispensamus, vel Fiat,* si hoc contingat, antequam jurisdictionem habeat *in actu.* Nam eti delegatus hoc ipso, quod Pontifex alicui det mandatum dispensandi, confessis super eo literis, etiam ante illius presentationem, recipiat jurisdictionem *in habitu* juxta id, quod docet Corradus l. 7. c. 6. n. 5. ex cit. ibidem juribus: non tam habet *in actu,* sic nimurum, ut ejus usus non subsit legi, usum præcisè annulanti, si fiat ante presentationem, ac receptionem literarum, & ea, quæ vi commissiois præmittenda sunt, ut ex dictis constat.

Circa id, quod n. 2267. affertur ex Pra. 2271. posito, Oratorem uti posse dispensatione, & matrimonium contrahere, cui à fide digno est significatum Pontificem dispensasse, etiam si literæ nondum missæ sint, not. 4. posse doctrinam admitti pro foro interno, si loquatur *de gratia jam facta;* quia sic actu sublatum est impedimentum, & gratia illa, quoad forum poli, non penderat literis, ut diximus n. 2268.

Dixi: *se est gratia jam facta.* Nam si cf. 2272. sit primò *facienda* per Commissarium, seu delegatum, nec in foro poli, seu conscientiae, vel licet, vel valide contraheret ante literarum executionem à delegato; quia sic, impedimento nondum sublatum, contraheret. Excipe easum, de quo cit. n. 2267. ex Gobat iupr. §. in horum; si literæ jam confessæ, ac expedite, propter obstantis impedimentum v. g. contagionis,

Aaaa

belli,

belli, &c. ad delegatum mitti non possunt. Nam ejusmodi casu nec quidem ex regulis Cancellariae videtur restrictum mandatum, ut, nisi originaliter receptum sit à Commissario, nullam executionem habeat, si aliunde constat per fide dignos, revera factam commissionem, &c. Advertendum autem ex Barbosa in Repertor. V. Gratia, gratiam videri absolutam, & famam, signata supplicatione per verbum fiat, ut colligitur ex c. si Apostolice, de prebend. in 6. & c. tibi, qui 12. de rescript. in 6. etiam literis non expeditis juxta Gig. de pension. q. 40. a. n. 2. requirentem litterarum expeditionem ad effectum agendi. Ex quo vides, expeditionem litterarum quando *gratia facta est*, requiri solum pro externo foro, ut, si ratione impedimenti, quo quis affectus erat, matrimonium ejus impeteretur, exhibitione litterarum se tueri possit.

2273. Not. 5. in mandatis dispensationum matrimonialium, quæ diriguntur ad Vicarium Episcopi, apponi hanc clausulam, deposita omni p[ro]p[ri]etate cuiuscunq[ue] muneris, quæ significatur ejusmodi delegatum, ab Oratoribus, vel uno eorum, nullum omnino munus, vel præmium pro labore, quem exequendo impedit tali mandato, debere accipere, adeò quidem, ut contra faciens, excommunicationis latæ sententiae p[ro]p[ri]etatem incurrit, ut patet ex ipsis mandatorum verbis. Si autem mandatum, ut quandoque fit, potentibus ipsis Oratoribus, dirigatur ad ipsum Episcopum; idem injungitur, ut, si munus, aut præmium qualecumque exigerit, aut oblatum receperit, eo ipso à jurisdictionis, & pontificalium exercitio, fructuunque mensa sua perceptione, tamdiu suspensus existat, donec à sede Apostolica relaxatio nem suspensionis hujusmodi per satisfactionem condignam meruerit obtinere.

2274. Denique in dispensationibus matrimonialibus, quæ conceduntur *informa pauperum*, apponitur etiam pena nullitatis absolutionis, & dispensationis, ibi: *& nihilominus absolutionis, & dispensatio hujusmodi à refaciende prædictæ, nullius sint roboris, vel momenti*, teste Garcia de Benefic. p. 1. c. 1. n. 108. Circa hanc clausulam queritur. 1. an Vicarius recipiens munus aliquod pro sua functione in executio ne mandati pro dispensatione matrimo-

niali, peccet? Videtur enim, quod non, nam Pontifex in fine illius clausulae sollem dicit: *à quo, te omnino abstinere debet, monemus*; hoc enim verbum importat potius consilium, quam præceptum: sed omnino affirmativè dicendum est; cum in fine mandati addatur altera clausula, quæ *frat[er]a hac monitione*, aliquid munis, aut præmij, recipientibus imponit excommunicatio latæ sententiae, que unde supponit culpam gravem. Unde negandum est, per verbum, *monemus*, de notari solum consilium, quando cadit in materiam aliunde graviter debitam, qualiter fit in presenti. Nam pro actu p[re]dicacionis Ecclesiastica (qualis est dispensatio in impedimentis matrimonij) aliquod temporale exigere, vel recipere per medium pretij, vel compensationis, Similic[em] est, ut passim dicitur in Tit. de S. mon. quod extendit Castropalaus p. 1. 17. d. 3. p. 12. n. 10. esto daretur, vel ciperetur in suslentionem dispensationis, dicens, hanc conclusionem esse certam ex Trident. sess. 22. c. 5. & sess. 24. cap. de reform. sess. 25. c. 18. cum D. Thom. & alijs.

Quæritur. 2. an delegati ad dispensationes matrimoniales, non obstante illa clausula, saltem pro labore, receptione, & examinatione Testium possint aliquod exigere, sic, ut datum, & recepimus non se compensatio auctius, in quantum est excusitum jurisdictionis spiritualis; sed in quantum est actus laboriosus, pretio affinabilis? Prima sententia tenet, ubi consuetudo inducta est, posse; quia clausula prædicta loquitur solum de receptione muneris, & præmij, etiam sponte oblati; non autem, stipendiij laboris impensi; quia stipendium, propriè non habet rationem muneris; ita Sanchez l. 8. de matr. d. 35. n. 11. & Salas de Legibus. d. 20. scđt. 10. n. fine. Secunda negat, etiam co titulo quidquam exigere, vel recipi posse, etiam gratis oblatum; ita Navar. l. 5. consil. de Rescript. in edit. 2. consil. ult. Zerela in praxi Episc. p. 2. V. Delegatus. §. 2. & V. Dispensatio. §. 1. & alij, quos citat, & sequitur Castropalaus cit. num. 11. his praemissis:

Rg. 1. ejusmodi exactionem, vel receptionem muneris, seu præmij, titulo laboris secundum se, in merum stipendium

non esse auctum Simoniacum; quia hic non intervenit temporale pro spirituali; sed temporalis; sic Castropalaus cit. & secundo adverto. Loquimur autem de solis actibus recipiendi, & examinandi testes, & similibus.

¶ 2. eam exactionem, vel receptionem rei temporalis pro ipso actu jurisdictionis spiritualis, omnino esse Simoniacum; sic enim iste est quid spirituale, & res illa, ut ponitur, quid temporale; intellige, si fiat in compensationem ejus. Nam in hoc est vitium Simoniae, quod spirituale temporali, tanquam per illud compenfabile, aestimetur.

¶ 3. esto, quod Ministris Ecclesiae datur, & ab illis etiam exigitur ad congre-
am, & decentem sustentationem, sine
quafidelibus non possunt praestare mini-
steria sacra, non sit Simoniacum, aut alio
titulo illicitum; si tamen exigeretur ut la-
boris stipendum, saltem in casu dispen-
sationum matrimonialium, fore turpe lu-
crum, nimur interdictum per eam
clausulam deposita omni spe, &c. sic Castr-
palaus cit. num. 8. & alii. Ratio hujus est.

Nam hoc significant ea verba: deposita o-
mni spe cuiuscunque maneris & premij;
quia nomine maneris veniunt donativa;
nominis premij, stipendum, merces, &
laboris compensatio, ut exponit Farinac.
Volum. 4. eff. 22. c. 3. de Reform. V. co-
gnoscatur. Nec est exppositio aliena à mente
Pontificum. Nam ita declaravit S. Con-
greg. CC. Trid. dicens, dictam clausulam
intelligi, ut nemo (nisi Notarius pro
examinandis testibus, & capendiis infor-
mationibus quartam partem aurei seu du-
cati) quequam, etiam promercede laboris
merita suscepit, vel alio quovis titulo, re-
cipere posset, de quo V. Corrad. l. 7. c. 6.
n. 14. & alii.

¶ 79. Dices: saltem, vi ejus clausulae, non ve-
nient inter prohibita munera, esculenta,
& pocalenta, quæ paucis diebus consumi
possunt. 1. quia haec sunt modica, nec tan-
tam vim habent corrumperi animos Ju-
dicum. 2. quia id conceditur in c. statu-
tum. §. Infuper. de Rescript. ¶. probabi-
lius negati illatum; cum expresse prohi-
beatur acceptio cuiuscunque maneris, &
premij; & excommunicatione punia-
tur Vicarius, contra prohibitionem re-
cipiens aliquid; quo satisclarè, repetita
Tom. IV.

prohibitione, Pontifex ostendit, esse in-
tentionem suam, ut gratis omnino, sine
tullius etiam modicæ rei acceptance, man-
data dispensationum matrimonialium ex-
ecutioni dentur. Ad alterum ex c. statu-
tum ¶. esse casum diversum. Nam ibi
non agitur de delegato ad dispensandum
in matrimonio, sed ad lisæ, quæ com-
missio communiter diu durat, & eget la-
bore magno, consequenter digna est ma-
gno stipendio, cujus comparatione ejus-
modi esculenta modica sunt, & vix con-
siderantur; at commissio in nostro casu
est brevissima: ergo.

ARTICULUS IX.

De dispensatione matrimoniali in forma
pauperum.

Ante resolut. not. 1. jurisdictionem di-
spensandi in impedimentis matrimonij
committi de stylo Curiæ Romanæ, quan-
doque in forma pauperum, nimur sub
clausula: dummodo ipsi pauperes, & mis-
erabiles existant, ac ex suis labore, & in-
dustry tantum vivant; nam quando
commissio caret eâ clausulâ, dicitur facta
in forma Ordinaria. Not. 2. dispensacio-
nem matrimoniale in forma pauperum,
solum concedi ad succurrentum mulieri
aliâs (nisi dispensetur) subitura periculum
vel honoris amittendi, vel non aliter re-
parandi. ut notat de Justis l. 1. c. 7. num. 1.
Vide tamen, quæ dicam infra ap. 2283.
& seq.

Not. 3. ex eod. n. 5. hujus dispensationis
proxim ita se habere, ut Orator, si non plus,
quam centum milliaribus distet ab urbe,
teneatur personaliter ad urbem accedere,
& pro dispensatione supplicare; quod tam-
en sic limitat, ut si impedimentum di-
spensandum sit infra secundum gradum,
& ipsi talis accessus sit moraliter difficilis,
excusetur à personali accessu, ita tamen, ut
ipius Ordinarius, in fide paupertatis, simul
testetur etiam de dicta difficultate. Si au-
tem impedimentum dispensandum sit in-
tra secundum gradum consanguinitatis,
vel affinitatis, requiri personalem Oratoris
accessum ad urbem, ut in forma paupe-
rum dispensetur; nec ab isto accessu ex-
cusari, etiam si longa distantia, & la-
boret maximâ paupertate, & vitio cor-
poris (ut est esse cæcum, claudum, debili-
tatum) dummodo iter arripere possit.

Aaaa 2

Hec